



Synfocity = 914

mail us at : mzsynfo@gmail.com; mizoramsynod@gmail.com - Phone - 2314648

November 9, 2023

□ Synod Executive Secretary (SEC) vawi 303-na

November 9-11&13, 2023 chung hian Synod Executive Committee chu a vawi 303 nan an ðu khawm a. Meeting hi Rev. Dr. C. Chawngmingliana, Moderator-in a kaihruai a, Upa B. Lalhmunliana, Synod Secretary-in report a pe a, Rev. V.L. Luaia Hranleh hnen aþangin Finance Officer report ngaihthlak a ni bawk.

Secretary report-ah hian Synod puipaten Presbytery hrang hrangah inkhawmpui an hmanpui thu te, July 1-17 chung khan Moderator, Rev. Dr. C. Chawngmingliana leh Senior Executive Secretary, Rev. C. Zoramawia ten PC Wales General Assembly an zu hmanpui thu te, August 25-27, 2023 chung Tuikual North Kohrana Harhna Inkhawmpui vawi 8-na hman a nih thu te, Manipur buaina avanga harsatna tawkte ðanpui nan pawisa fai ₹ 94,20,000 pek a nih thu te, he buaina avanga Relief Camp-a awm mekte tana bungbel ₹ 5,00,000 man leisak tura rel a nih thu te, silhfen leh mut bu bial hrang hrang panga aþanga dawn khawm chu November 3-ah Churachandpur phurh thlen a nih thu te leh hmalakna dangte ngaihthlak a ni.

Tun ðum SEC ðut khawmah hian agenda 107 ngaihtuah ho tura chhawp chhuah a ni a. Committee hrang hrang atanga agenda lut zingah Synod Higher Secondary Principal tur thlan leh P.C. Girls Headmistress ruat chungchang te, inkhawm tihlem chungchang zirchianna te, Synod Pay Commission hmalakna te, PRESCOM Department en ðatna te, Synod Pension Dan 2014 en ðat rawtna te, Synfo Inkaihhruaina enðatna te, Pathian Biak Inkhawm kalhmang zir chianna te a tel a. Presbytery aþangin agenda eng emaw zat a lut bawk a. Chung zingah chuan Kohran Pavalai Pawl inkhawm hun inang tlanga neih rawtna te, Kristian Hla bu-a hlate audio-a daha YouTube-a dah rawtna te, kan rama Ministry hrang hrangte zir chiana thawh ho dan kawng zawn thu te, Synod Prison Ministry tihchangtlun rawtna te, Synod Archives tihchangtlun rawtna te, Central KÏP hmalakna pakhat YRC a puitlin thuai theih nan Synod-in hmalakpui tura rawtna te a tel a ni.

Ruahmanna hmasaah chuan SEC ðut khawm hi November 7-9 chungna neih tur a ni a. Mizoram MLA General Election nen a innan tak avangin ðut khawm hun hi sawn tlai hret a ni ta a ni.

□ Oath taking, Lamp lighting leh Graduation Day

College of Nursing, Synod Hospital, Durtlang chuan November 2, 2023 (Ningani) chawhnu dar 1:00 khan Oath Taking vawi 50-na, Lamp Lighting Ceremony leh Graduation Day vawi 19-na, Multipurpose Hall, College of Nursing, Synod Hospital-ah an hmang a, Synod Moderator Rev. Dr. C. Chawngmingliana chu Khuallian a ni.

Dr. Lalþhakima, Director-in inlawmna thu a sawi a, Miss Lalrawnlani, Vice Principal-in Bible chhiar leh ðawngþaiin hunserh a hmang. Pi C. Lalrintluangi, Principal-in report a pe a, Pi Lalbiaksangi, Jt. Director, Nursing (Rtd.)-in Oath taking leh Lamp lighting hun a hmang a, Graduate tharte hnenah Certificate a sem bawk. Zirlai ti ðate hnenah Moderator Rev. Dr. C. Chawngminglianaw lawmman a sem a, thu a sawi nghal a. Rev. V.L. Luaia Hranleh, Executive Secretary-in Graduate tharte leh Zirlai tharte ðawngþaisakna hun a hmang a, Award hrang hrang paruk sem a ni bawk. Hun tawpah Upa Lalrinmuana, Coordinator, Synod Hospital-in lawmthu a sawi a ni.

Kum 1928-a Synod Hospital din a nih atangin Nursing School hi din ve nghal a ni a. Nurse zir hmasa ber chu NI. Khuangi, kum 16 mi a ni. Nursing School hi kum 1944-ah Indian Nursing Council-in Nurse puitling zirna turin Recognition a pe a, June 20, 2019 khan Nursing School chu College-ah hlankai niin College of Nursing, Synod Hospital, Durtlang tih a lo ni ta ni.

College of Nursing, Synod Hospital-ah hian tun dinmunah zirlai 120 leh thawktu 30 an awm mek a ni.

- **Synod Mission Board**
 - ◆ **Jharkhand Mission Field**
November 5, 2023 (Pathianni) khan belhtu thar 8 an awm.
 - ◆ **Assam Mission Field**
November 5, 2023 (Pathianni) khan belhtu thar 11 an awm.
 - ◆ **Delhi Mission Field**
November 5, 2023 (Pathianni) khan belhtu thar pathum an awm.
 - ◆ **Karbi Anglong Mission Field**
November 5, 2023 (Pathianni) khan belhtu thar paruk an awm a, ni 6 (Thawhtanni) khan belhtu thar pakhat a awm.
 - ◆ **Arunachal & Assam Mission Field (West)**
November 5, 2023 (Pathianni) khan belhtu thar pakua an awm.
 - ◆ **Arunachal & Assam Mission Field (East)**
November 5, 2023 (Pathianni) khan belhtu thar pahnih an awm.
 - ◆ **Odisha Mission Field**
November 5, 2023 (Pathianni) khan belhtu thar 11 an awm.
 - ◆ **Chakma Convention**
November 10-12, 2023 chhung hian Rajiv Nagar (Tuipuibari)-ah Chakma Convention vawi 4-na an hmang dawn a. Convention thupui "Thianghlimna" niin Speaker Rev. Sujindro Chakma Chawngte 'P' Bialtu a ni. Convention-ah hian Speaker bakah Rev. Lalawmawia, Upa Lalthahluna Ralte, Coordinator, SMB leh Rev. Vanlalrova Khiangte, BEC ten thu an sawi ang a, fellowship & Cultural programme an hmang baw k ang.
Convention hmanpui hian Office atangin Upa Lalthahluna Ralte, Coordinator; Pi Ruth Lalhmangaihi, Asst. Coordinator; Pu Laldawngliana, Mission Promoter; Pu H. Darrozama, Duftry leh Rev. Vanlalrova Khiangte, BEC member te an kal ang.
- **Trust**
November 9-10, 2023 chhung hian Champhai Pastor Quarters en felin Upa Thangliankhuma, A.E. a kal.
- **MSSU**
November 10, 2023 (Zirtawpni) zan dar 6:30 hian MSSU hnuai Naupang pual Media buatsaih Presbyterian English School leh Tleirawl Inkhawm Video insiamsiak lawmman semna neih a ni dawn a, programme hi Hruaina Eng Channel leh Synod Information Youtube channel-ah te LIVE a ni ang.
Upa B. Lalhmunliana, Synod Secretary-in hunserh a hmang ang a, lawmman semna neih a ni ang a, Jotham Vanlalchhanchhuaha a zai baw k ang. He hunah hian lawmman pakhatna dawngtute video thlir ho a ni ang a, Pu Lalhmunzauva Tlau, MSSU Asst. Coordinator-in lawmthu sawiin Rev. V.L. Luaia Hranleh, Executive Secretary-in malsawmnain a tin ang. Programme hi NI. Agnes Lalrinzuali, MSSU Asst. Coordinator-in a kaihrui dawn a ni.
- **Worship**
November 10-11, 2023 chhung hian Bilkhawthlir Hmarvengah Music training neihpui turin Pu H. Lalrinmawia, Senior Music Instructor leh Tv. Samuel Vanlalhrulaitluanga, Music Instructor te an kal ang.
- **FG&CC**
November 11-12, 2023 chhung hian Khuangleng South Bialah Outreach Counselling leh Kristian Chhungkaw Campaign nei turin counsellor-te, Rev. J. Lalremsiama; Rev. C. Lalduhawma; Rev. Samuel Lalrinsanga; Rev. Lalrinawma; Rev. Zosangliana Fanai; Rev. John B. Hmar leh NI. Esther Lalkhawngaih dawngkimi te an kal ang.
- **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Hualtu	In kang	1	₹ 20,000/-
2.	Maubaw	Damlo	1	₹ 10,000/-
			Belh khawm	₹ 30,000/-

- ❑ **Thawktu thar**
Synod Service Board chuan Hmangaihna Ina nau awmtu, contract-a thawk turin Vanlalmangaihi d/o Lalengmawia, Durtlang, Kawnveng chu a la thar a, a hna hi January 3, 2024 aţangin a zawm ang.
- ❑ **FM Zoawi - Aizawl & Lunglei : Hruaina Eng Radio Programme**
November 10, 2023 (Zirtawpni) @ 7:30 p.m. :
Solo : Esther Lalthianglimi - Hrehawmna piaha malsawmna
Zaipawl : Durtlang Bial Zaipawl - Chhandamtu hnenah ţawngţai la
Thusawi : Rev. Z. John Malsawma Colney - Wales Presbyterian Kohhran chanchin tlangpui
Solo : F. Laldinpui - Min sawm e
Zaipawl : Kahrawt Bial Zaipawl- A tho leh ta
- ❑ **Su Samachar Prasaran Programme :**
November 12, 2023 (Pathianni) 5:30 pm. :
Group/Choir/Solo : Lalthapuii
Group/Choir/Solo : Champhai Vengthlang Pastor Bial - Hamara Kal
Sermon : Rev. Jimmy Malsawmdawngliana
Group/Choir/Solo : Remruatfela
Group/Choir/Solo : Vaivakawn Kohhran - Jay Jay Prabhu
- ❑ **Hruaina Eng TV Programme**
9.11.2023 (Ningani) 8:30 pm : Thupui zir bing - Tuarna : Isua tuarna
10.11.2023 (Zirtawpni) 5:00 pm : Kristian Naupang Pual
11.11.2023 (Inrinni) 5:30 pm : Puitling Sunday School Zirlai
12.11.2023 (Pathianni) 8:00 am : Weekly round up
5:30 pm : Su Samachar Prasaran
13.11.2023 (Thawţanni) 8:30 pm : Hruaina Eng Luang chhuak
14.11.2023 (Thawhlejni) 8:30 pm : Nilai Zan Thupui zir hona
- ❑ **Moderator leh Executive Secretary-te Programme:**
Rev. Dr. C. Chawngmingliana : Moderator
Nov. 12, 2023 Lily Veng 'N' Kohhran (Chawhma), Chaltlang Bial
Lily Veng Kohhran (Chawhnu), Chaltlang Bial
Mission Veng Kohhran (Zan)
Nov. 17, 2023 ATC College Day
Rev. C. Zorammawia : Senior Executive Secretary
Nov. 17, 2023 ATC College Day
Rev. V.L. Luaia Hranleh : Executive Secretary (Finance Officer)
Nov. 17, 2023 Women Centre Committee
Rev. Dr. K. Lallawmzuala : Executive Secretary
Nov. 17, 2023 PCI Working Committee
Nov. 18-20, 2023 Delhi - Ram pawn K TP Meet
November 13, 2023-ah SEC leh ni 14-16, 2023 chungin Synod Finance Committee-ah te Moderator leh Executive Secretary-te an ţhu ang.

HRIATTIRNA

Synod Revival Committee chuan November leh December-ah te Synod Revival Camping Centre, Sihphir Neihbawi-ah Camping a buatsaih dawn a. A duh tan luh theih ani ang. Registration Fee ` 100/- a ni ang a. Mahni mimal mamawh hrang hrang bakah Mut bu, Bible, pen leh note bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlejniyah lutin Inrinniah chhuah leh ţhin tur a ni ang.
1. November 14-18, 2023 2. December 5-9, 2023

Sd/- Rev. C. Zorammawia
Senior Executive Secretary
i/c Revival

RAWNGBAWL HNA RUAK DIL THEIH

Mizoram Presbyterian Kohhran hnuaiyah a hnuaiya tarlan rawngbawl hna hrang hrang hi a ruak a. Presbyterian Kohhran mi, kum 18-35 inkar, ni 18.12.2023-a kum 18 tling, kum 35 la pumhlum lo, zuk leh hmuama fihlim tan dil theih a ni. Dilna Form leh Tualchhung Kohhran Confidential Report Form hi Synod Service Board Office, Synod Office (Aizawl leh Lunglei) atangin ni 8.11.2023 (Nilaini) atangin lak theih a ni. Dilna form man Rs. 20/- a ni. Dilna Form-ah hriat tur pawimawh tarlan a ni.

1. SYNOD OFFICE, AIZAWL-A THAWK TUR

Hna hming : Office Assistant (Contract), Post - 1
Thiamna : HSLC of any recognised Board with at least CCA/CCC
Hlawh : Synod hnuaiya Office Assistant (contract) hlawh

2. SYNOD MISSION BOARD HNUAIA THAWK TUR

Hna hming : Missionary (Contract), Post - 33
Thiamna : Class VIII certificate holder leh a chunglam
Hlawh : Synod hnuaiya Contract Missionary hlawh

Dil theih hun chung : Ni 6.12.2023 (Nilaini) dar 4 p.m. thleng
Written test : Ni 11.12.2023 (Thawhtanni) Dar 10 a.m.
Interview : Ni 18.12.2023 (Thawhtanni) Dar 10.30 a.m.

Dilna thehluhna hmun:

1. Office Assistant : Synod Service Board Office, Aizawl
2. Missionary : Synod Mission Board Office, Aizawl

Sd/- Rev. C. Zoramwâwia
Secretary
Synod Service Board

MISSIONARY TRAINING COLLEGE (MTC) HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office atangin lak chhuah theih a ni e.

Dil thei chin : CI - XII pass chin
Dilna theh luh hun hnuhnung : 16 February, 2024 (Friday)
Entrance Test : 19 March, 2024 (Tuesday); 9:30 AM @ MTC
Interview : 21 March, 2024 (Thursday); 10:30 AM @ Synod Committee Room I

Sd/- Principal
Missionary Training College
Mission Vengthlang
Ph. No. : 0389-2328525/9612164982